



Inatsisartuni ilaasortaq  
Mariane Paviasen  
Inuit Ataqatigiit  
/Maani

**Savaatilinnut ikiorsiissuteqarnissaq pillugu § 37 naapertorlugu  
apeqquteqaammut nr. 125-2022-mut akissut**

Brevdato: 05-07-2022  
Sagsnr.: 2022-14009  
Akt-id: 20573516

Asasara Mariane Paviasen

Postboks 1614  
3900 Nuuk

Inatsisartut suleriaasianni § 37, imm. 1 naapertorlugu savaatilinnut  
ikiorsiissuteqarnissaq pillugu Naalakkersuisunut apeqquteqaateqarputit.  
Apeqqutitit uannit akisassanngorlugit innersuunneqarput.

Tlf.: (+299) 34 50 00  
Fax: (+299) 34 54 10  
E-mail: pan@nanoq.gl  
www.naalakkersuisut.gl

**1. Savanut nerukkaatissat akisunerujussuanngornerini Naalakkersuisut  
savaatilinnut immikkut ittumik ikiorsiiniarnerlutik?**

**A) taamaassimappat qanoq, qaqugulu ikiorsiiniarpat?**

**B) taamaassimangippat suna pissutigalugu ikiorsiiniangillat?**

**Akissut:** Nunarsuarimi pissutsit, Corona Ukraine-milu sorsunnerup  
kingunerisaannik naggorissaatit nerukkaatissallu akiisa qaffarujussuarnerinik  
kinguneqartut Kalaallit Nunaanni nunalerinermik inuussutissarsiteqarnermut  
unammillertitsipput. Nunalerinermut, Imminut Pilersornermut, Nukissiutinut  
Avatangiisinullu Naalakkersuisoqarfimmiit SPS nerukkaatissanut  
qularnaveeqquseqqinnissamik pisariaqartitsineq pillugu ingerlaavartumik  
attaveqarfigineqarpoq. Tamanna tunngavigalugu Inatsisartut Aningaasaqarnermut  
Akileraartarnermullu Ataatsimiititaliaannut nerukkaatissanut  
qularnaveeqqusiissutip 2022-mi 3,5-iniit 5 millioner koruuninut  
qaffanneqarnissaannik inassuteqaammik nassiussisoqarpoq.

Akit nutaat Neqi A/S-imut isumaqatiginninniutigineqareerpata aatsaat  
inuussutissarsiortunut aningaasaqarnikkut kingunerisassat tamakkiisut  
ilisimalertussaavagut. Nunalerinermut, Imminut Pilersornermut, Nukissiutinut  
Avatangiisinullu Naalakkersuisoqarfimmiit ineriartorneq malinnaaffigineqassaaq,  
aammalu pissutsit pillugit inuussutissarsiortunik attaveqarneq  
ingerlatiinnassallugu.

**2. Narsaatinut naggorissaatit akisunerujussuanngornerini Naalakkersuisut  
savaatilinnut immikkut ittumik ikiorsiinnissamik pilersaaruteqarnerlutik?**

**A) Ikiorsiiniarsimagunik qanoq, qaqugulu ikiorsiiniarpat?**

**B) taamaassimangippat suna pissutigalugu ikiorsiiniangillat?**

**Akissut:** Nunalerinermut, Imminut Pilersornermut, Nukissiutinut  
Avatangiisinullu Naalakkersuisoqarfiup ukioq manna siusinnerusukkut

missingersuutini 800.000 koruunit nunalerinermik suliaqartunut naggorissaatinut toqqaannartumik tapersiissutissatut nuuppai. Aammattaaq apeqqut 1-mut akissut innersuussutigineqarpoq.

Inussiarnersumik inuulluaqqusillunga



Kalistat Lund